

# kontuola

**KONTUOLA, Idolaz elkarte, ANTZUOLA. Kazetaria:** Aintzane Irizar **Publizitatea:** Mireia Larrañaga **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Sergio Azkarate, Gari Bragado **Telefonoa:** 943 76 03 97 **Faxa:** 943 76 29 77.

*Antzuolako hamabostekaria, 81. zenbakia. 2001eko ekainaren 22a.*

## Gizarte Etxea ikusgai bihartik

Proiektuaren erakusketa egingo dute udaletxean bihar eta etzi


**Martxoaren 1eko osoko bilkuran onartu zuten Gizarte Etxea izango denaren behin betiko proiektua. Orain, guraso elkartearen egoitzan proiektu hori gauzatzeko lanak esleitzeko prozesuan murgilduta dago udala. Bien bitartean, herritarrei proiektuaren berri emango die udalak, eta horretarako planoen erakusketa antolatu dute oraingo astebururako.**

**Z**apatuan eta domekan Gizarte Etxea izango denaren planoak udaletxeko osoko bilkuren aretoan egongo dira ikusgai. Ināki Berasategi arkitekto bergararrak egin zuen proiektua, eta martxoko osoko bilkuran aho batez onartu zuen udalbatzak proiektu hori. Orain, lanak egingo dituen enpresa baten bila dihardu udalak, baina ez ei da hain erraza. Izan ere, enpresa guztiak lan ez lepo dabilta, eta lanak egiteko lehiaketarako deialdia eginda dagoen arren, ezin dute topatu lanok egingo dituen enpresarik. Hala ere, uda ostean lanekin hasteko moduan egongo direla espero dute udal arduradunek.

### PROIEKTUARI BURUZKO INFORMAZIOA ESKURA

Gizarte Etxea izango denaren proiektua oso-osorik egongo da ikusgai asteburuan. Izango dituen sei solairuen planoak osoko bilkuren aretoan jarriko dituzte, eta udaleko arduradunak ere hantxe egongo dira, galderei erantzun eta eskatzen dutenei azalpenak eman ahal izateko.

Guraso elkartearen eraikinean egingo dute Gizarte Etxea, eta esan bezala, sei solairu izango ditu, sotoa eta beheko solairua barne.



*Plaza gorritik ere sarrera bat egingo dute Gizarte Etxerako.*


Sotoan, biltegiak, instalazio elektrikoak eta aldagelak egingo dituzte. Beheko solairuan, gaur egun liburutegia dagoen solairuan, hain justu, gaztetxea, gimnasioa eta bilera gelak egingo dituzte, besteak beste. Lehendabiziko solairuan, aldiz, jubilatuen elkarte, liburutegia eta kultura zerbitzuaren bulegoak kokatuko dira.

Zinema, berriz, orain arte bezala, bigarren solairuan egingo dute. Hori bai, agertokia handitu egingo dute, eta an-

tzerkia eta bestelako ikuskizunak daudenerako, aktoreendako aldagelak egiteko asmoa dute. Solairu horretan bertan, erabilera anitzeko beste gela handi bat ere egingo dute. Hirugarren solairuari dagokionez, hainbat tailer egingo dituzte hantxe, herriko taldeendako, eta azkenengo solairuan, oraindik, behinik behin, ez dute ezer egingo. Aurrera begira, beharizanen arabera egokituko dute. Azkenik, esan behar da, igogailua ere egingo dutela.



Gizarte Etxeak izango dituen sei solairuen planoak ikusgai egongo dira



# San Pedro, San Juan..

Kalebarrenen gaur hasiko dituzte jaiak, Uzarragan bihar, eta larri

Gaur bertan hasiko dira Kalebarrengo jaiak. Asteburu guztirako hainbat ekitaldi antolatu dituzte. San Juanak ere asteburu honetan ospatuko dituzte Uzarragan, eta herriko zuhaitza jasotzea ere egingo dute plazan San Juan bezperan, bihar. Datorren asteburuan, berriz, San Martzialak.

**E**z dugu, ez, jai faltarik Antzuolan. Herriko jaiak ere ez dira urruti, baina ez dugu ordura arte itxaron beharrik izango jaiez gozatu ahal izateko.

Gaur iluntzean bertan hasiko dira Kalebarrengo jaiak. 21:00etan etxafuego jaurtiketarekin emango diete jaiei hasiera. Gaueko 22:30ean, berriz, erromeria izango da Zurrategiko kioskoan Eibar ko trikitilariekin.

Zapaturako, berriz, egitarau zabalagoa prestatu dute. Goizeko 11:00etan marrazki lehiaketa egingo dute. Eguerdiko 12:00etan ginkana izango da Zurrategin. Eta, 12:30 aldera, soinu jotzaileekin kalejira egingo dute. Arratsaldean, oster, 18:00etan umeendako ikuskizuna egongo da Zurrategin, Kakax, Kokox eta Kirriki pailazoekin. Ondoren, 19:00etan, buruhandiak. Ohiturari jarraituz, zuhaitza ere jasoko dute kalebarrendarrek 19:45 aldera. Kalebarrengo jaiak San Juan bezperarekin bat egiten dutenez, bi zuhaitz jasotze egingo dituzte zapatuan Antzuolan. Herriko zuhaitz jasotzea, plazan, 20:30ean egingo dute.

Urtero bezala, aurten ere, zapatuan, auzo afaria egingo dute gaueko 9etan. Eta afalostean, dantza egiteko aukerarik ere ez da faltatuko; izan ere, 22:30ean erromeria izango da Amalur taldearekin. Gauerdian, berriz, Kalebarrengo jaietan ohiko bihurtu den dantza



Zapatuan, 19:45ean, jasoko dute zuhaitza Zurrategin.

## ANTZUOLA

Apainketak eta  
isolamenduak  
Pladurrezko dibisioak

Kalegoi 21 ANTZUOLA  
Tf.: 943 72 30 05  
Biltegia: 943 78 70 40

## EGAÑA

Era guztietako arotz lanak

Tarima eta parketa jartzea  
Zoruen kutxilatu eta barnizatuak

Kalegoi 21, ANTZUOLA Tf.: 943 76 64 23

## GOROSTI

Taberna

☎ 943 76 62 96  
Zurrategi plaza ANTZUOLA

# ...hasi dira udako jaiak!

a larragan datorren asteburuan ospatuko dituzte San Martzialak

egingo dute, sagar dantza, hain zuzen ere. Eta bukatzeko, berriz, esan bezala San Juan bezperarekin bat egiten dute-nez Kalebarrengo jaiak, San Juan sua egingo dute.

Domekan ere egongo da zer ikusi eta zertaz gozatu. Goizeko hamarretan txistulariek kalejira egingo dute. 11:30ean, berriz, meza ospatuko dute, eta ondoren salda eta txorizoa banatuko dute. Eguerdian, 12:30ean, Oinarin dantza taldeko dantzariak arituko dira, eta trikitilari gazteekin kalejira egingo dute.

## **DISKOTEKA BILAKATUKO DUTE ZURRATEGI**

Bidusound diskoteka mugikorra ekarriko dute domekan, hilak 24, Zurrategira. Asto lasterketa bi urtean behin egiten dute, eta datorren urtera arte ez dute egingo. Horregatik, domeka arratsalderako Zurrategi diskoteka bihurtzea pentsatu dute. Musika berezia eskainiko digute Bidusoundekoek; adin guztietako jendeak izango du diskotekaz gozatzeko aukera, baina, bereziki, umeei zuzendutako emanaldia izango da.

## **SAN JUANAK UZARRAGAN**

Uzarragan, berriz, San Juanak ospatzen dituzte. Ekainaren 24an da San Juan eguna, eta orduantxe egingo dituzte ospakizunak; bezperan ez dute ezer berezirik egiten. Domekan, hilak 24, eguerdi-



*Datorren asteburuan ospatuko dituzte San Martzialak.*

ko 12:00etan meza egingo dute, eta ondoren herriko dantzarien emanaldia egingo da, eta baita luntxa ere.

## **SAN MARTZIALAK DATORREN ASTEBURUAN**

Lizarraga auzoan ere hainbat ekitaldi antolatu dituzte San Martzialetarako. Zapatu, hilak 30, goizean, 11etan, eman-gio diete hasiera jaiak. Ordu horretan, etxafuego jaurtiketa egingo dute. 12etan meza ospatuko dute, eta ondoren, gazta eta ardoa dastatzeko aukera

ere izango da. Meza ostean, ordu bata aldean, herriko trikitilarien emanaldia izango da. Arratsaldeko 16:30ean, herri mailako plater tiraketa egingo da. 18:00etan, umeendako jolasak egingo dira; 19:00etan, txokolate jana, eta 20:00etan erromeria. 21:00etan herri afaria egingo dute, eta afalostean berriro ekingo diote erromeriarri. Gauerdian, 12:00etan, zaku lasterketa egingo dute.

Domekan ere egingo dute ospakizunik. Goizeko 11:00etan txistularien emanaldia; 11:30ean, herriko txirindulari igoera egingo dute, eta 12:30ean, meza edukiko dute. Eguerdi partean, herriko dantzariak arituko dira, eta ondoren erromeria izango da herriko trikitilari-ekin. Arratsaldean ere izango da dantzarako aukerarik, eta 21:00ak aldera emango zaie amaiera aurtengo San Martzial jaiak.

■ ■ ■  
Gaur, egubakoitz gauean bertan, hasiko dituzte Kalebarrengo jaiak  
■ ■ ■

**Igor eta Txomin**

**Margoak orokorrean**

**ANTZUOLA**      **BERGARA**  
609 157 131      609 150 164



Bidea eginez

**Tailerra:** Uzarraga bidea 10. Tf. 943 78 71 78

**Erakusketa:** Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak
- Bero-aurreztea
- Bainugelak. Proiektuak momentuan egiten ditugu DIBaren bidez
- Birgaitze-espeditentak bideratzen ditugu

# Lorez apaindutako balkoi ederrenei sariak

**Bihar iluntzean**, 20:30 aldera, egingo dute aurtengo lore lehiaketako sari banaketa. Bi sari banatuko dituzte: alde zaharreko balkoi ederrenari, eta alde berriko balkoi ederrenari. Lehendabiziko mailari dagokionez, Kalebarrengo Belen Berasategik jasoko ditu irabazleari dagozkion 15.000 pezetak. Alde berriko etheen mailan, berriz, Eguzki auzoko Kili Garcia izan da irabazlea.

Lehiaketa honetan parte hartu ahal izateko ez da izena eman beharrik izaten, epaimahaikoek balkoi guztiak kontuan hartzen dituzte-eta. Egin behar den gauza bakarra, leiho eta balkoiak lorez dotore apaintzea da. Lehiaketa honekin, udaleko arduradunek duten helburua argia da: Antzuolako kaleen apaintetan herritarrek ere parte hartzea, euren etxeak zainduz.



Alde berriko balkoi irabazlea.

## LIBURUTEGIAN ETA UDALETXEAN ORDUTEGI BERRIA


Datorren astelehenetik aurrera, ekainak 25etik aurrera, hain zuzen ere, ordutegi berria izango du udal liburutegiak. Arratsaldeko 18:00etatik 20:00etara egongo da irekita, ohiko ordutegian baino ordubete gutxiagoz. Uztailaren 13ra arte izango du ordutegi hori. Hilaren 16tik 20ra, berriz, goizez bakarrik irekiko dute, 11:00etatik 13:00etara. Uztailaren 23an itxiko dute liburutegia irailaren 3ra arte. Udaletxeko bulegoetako ordutegia ere aldatu dute; honakoa da udako ordutegia: goizeko 9:00etatik arratsaldeko 15:00etara. Arratsaldez, aldiz, itxita daude udaletxeko bulegoak.

## JAIETARAKO PEGATINA AUKERATZEN

Urtero bezala, aurten ere antolatu du Idolaz euskara elkarteak jaietarako pegatina lehiaketa. Eguaztenean bukatu zen proposamenak aurkezteko epea, eta Idolazekoak pegatinarik aproposena aukeratzeko ari dira. Datorren hilaren 6an, Kontuolan bertan erakutsiko dizuegu zein den aurtengo pegatina irabazlea. Dakizuenez, euskara eta jaiak lotzen dituen leloa eramango du, urtero moduan. Iazkoak, esaterako, zera zioen: "Ointxe ein, bihar be izan dein".

## PIRINIOETARA ARROLAREKIN

Uztailaren 7an eta 8an joango dira Pirinioetara. Honako egitaraua prestatu dute irteera horretarako: uztailaren 7an, goizean hartuko dute autobusa. Egun horretan bertan, Lac du Aubertetik La Glererako ibilbidea egingo dute. Domekan, berriz, La Gleretik Pic du Neovillera eta handik Lac du Aubertera joango dira. Izena emateko azken eguna datorren martitzena da, ekainak 26. Urtero egiten duten kanpaldia, berriz, uztailaren 26an eta 27an egingo dute, Urbasa aldean, seguraski. Azkenik, esan behar da, aurreko astebururako hondartzarako eta mendirako irteera bertan behera laga zutela, eta irailean egingo dutela.



## Jai giroan antzuolarrak Aiherran

**Domekan**, hilak 17, Aiherrako frontoia inauguratu zutela-eta, autobusa antolatu zuten Antzuolatik, eta 25 lagun joan ziren, tartean udaleko hiru ordezkari. Inaugurazio ostean, dantzariak eta trikitilariak egon ziren, besteak beste.

KALEGOI 19 ☎ 943 76 64 07

*Tomas Gezalaga*

ANTZUOLA BERGARA

- Zoruen kutxilatuta eta barnizaketa •

**GAILUR**  
taberna eta  
gozotegia

Buzinzuri 13 ANTZUOLA  
Tf. 943 78 70 32

**LARREA**

**TABERNA**

Kalebarren 17  
ANTZUOLA

KALEGOI 19 ☎ 943 76 64 07

*Tomas Gezalaga*

ANTZUOLA BERGARA

- Apaintetarako eta industriadarako pinturak •
- Paper margotuak •
- Mokitak eta tapizatuak •